Ўзбекистон Республикаси номидан **ХАЛ ҚИЛУВ ҚАРОРИ**

Ғаллаорол тумани

2024 йил 02 июль

Ғаллаорол туманлараро иқтисодий суди раиси-судья Ш.Қодиров раислигида, даъвогар вакили О.Қулдошев (2024 йил 02 июлдаги 59-сонли ишончнома асосида) иштирокида, даъвогар "ВМВ ЕХІМ" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармасининг жавобгар "DOSTONBEK JAVOHIRI" фермер хўжалигидан 8.881.100 сўм қарздорлик ундириш тўғрисидаги даъво аризаси бўйича ишни кўриб чиқиб, қуйидагиларни

аниқлади:

Даъвогар "ВМВ-ЕХІМ" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармаси Ғаллаорол туманлараро иқтисодий судига даъво аризаси билан мурожат қилиб, жавобгар "DOSTONBEK JAVOHIRI" фермер хўжалигидан 8.881.100 сўм қарздорлик ундиришни сўраган.

Даъвогар вакили даъво талабини қўллаб-қувватлади.

Жавобгар вакили суд мажлисига келмади. Суд ишни жавобгар вакилининг иштирокисиз кўриб чиқишни лозим топади.

Ўзбекистон Савдо-саноат палатаси Жиззах вилоят худудий бошқармаси ишни ўзинниг иштирокисиз кўриб чиқишни сўраган.

Суд иш хужжатлари билан танишиб чиқиб, даъвогар вакилининг фикрларини тинглаб қўйидаги асосларга кўра даъво талабини қаноатлантиришни лозим топади.

Иш хужжатларидан кўринишича, "BMB-EXIM" масъулияти чекланган жамияти - ("Буюртмачи") ва "DOSTONBEK JAVOHIRI" фермер хўжалиги ("Етказиб берувчи") ўртасида 2023 йил 17 февралдаги F/32-сонли "Қишлоқ хўжалик маҳсулотлари харид қилиш бўйича" контрактация шартномаси тузилган.

Мазкур шартномага асосан, "Етказиб берувчи" - "DOSTONBEK JAVOHIRI" фермер хўжалиги "Буюртмачи" – "ВМВ-ЕХІМ" масъулияти чекланган жамиятига қишлоқ хўжалик маҳсулотлари етказиб бериши келишилган.

Шартномага кўра "BMB-EXIM" масъулияти чекланган жамияти томонидан "DOSTONBEK JAVOHIRI" фермер хўжалигига махсулот етиштириш учун уруғлик (кўчатлар ва бошқа менерал ўғитлар) берган.

Хусусан, иш ҳужжатларидаги 2023 йил 01-апрель кунги 15-сонли ва 97-сонли, 2023 йил 20 апрель кунги 201-сонли ва 230-сонли, 2023 йил 01 май кунги 268-сонли ва 269-сонли ҳамда 2023 йил 10 май кунги 352-сонли ҳисобфактуралардан кўринишича жавобгарга 14.587.100 сўмлик уруғлик маҳсулотлар (кўчатлар ва бошҳа менерал ўғитлар) берилган.

Бирок, шартномага кўра "DOSTONBEK JAVOHIRI" фермер хўжалиги "BMB-EXIM" масъулияти чекланган жамиятига шартномага мувофик кишлок хўжалиги махсулотларини (тўлик) етказиб бермаган.

Шунга кўра, жавобгарни даъвогар олдида етказиб берилган уруғлик (кўчатлар ва бошқа менерал ўғитлар) хисобидан 8.881.100 сўм қарздорлиги қопланмасдан қолган.

Даъвогар қарздорлик қоплаш ҳақида жавобгарга талабнома жунатган. Бироқ, қарздорлик қопланмаган.

Шундан сўнг, Ўзбекистон Савдо-саноат палатаси Жиззах вилоят худудий бошқармаси даъвогар манфаатида судга мурожаат қилиб ушбу қарздорликни ундириб беришни сўраган.

Ўзбекистон Республикаси Фуқаролик кодексининг 236-моддасига кўра мажбуриятлар мажбурият шартларига ва қонун ҳужжатлари талабларига мувофик, бундай шартлар ва талаблар бўлмаганида эса - иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Ушбу Кодекснинг 333-моддасига кўра қарздор айби бўлган такдирда мажбуриятни бажармаганлиги ёки лозим даражада бажармаганлиги учун, агар қонун хужжатларида ёки шартномада бошқача тартиб белгиланмаган бўлса, жавоб беради.

Юқоридагиларга кўра, суд даъвогарнинг даъво аризасини тўлиқ қаноатлантириб, жавобгар "DOSTONBEK JAVOHIRI" фермер хўжалигидан даъвогар "ВМВ-ЕХІМ" масъулияти чекланган жамияти фойдасига 8.881.100 сўм қарздорликни ундиришни хамда Ўзбекистон Республикаси Иқтисодий процессуал кодексининг 118-моддасига мувофик, ишни судда кўриш билан боғлиқ давлат божи ва почта харажатини хам жавобгардан ундиришни лозим деб топади.

Баён этилганларга кўра хамда Ўзбекистон Республикаси Фукаролик кодексининг 236, 333-моддалари ва Ўзбекистон Республикаси Иқтисодий процессуал кодексининг 21-боб қоидаларини қўллаб, суд

қарор қилади:

Даъвогарнинг даъво аризаси тўлик каноатлантирилсин.

Жавобгар "DOSTONBEK JAVOHIRI" фермер хўжалигидан даъвогар "BMB-ЕХІМ" масъулияти чекланган жамияти фойдасига 8.881.100 сўм қарздорлик ва олдиндан тўланган 34.000 сўм почта харажати ундирилсин.

Жавобгар "DOSTONBEK JAVOHIRI" фермер хўжалигидан Республика бюджетига 340.000 сўм давлат божи ундирилсин.

Хал қилув қарори қабул қилинган пайтдан бошлаб бир ой муддат ўтгач қонуний кучга киради.

Хал қилув қарори қонуний жите кирге про варақалари берилсин. Мазкур ҳал қилув қарори ичида апелляция тартибида, ҳал нуний кучга киргандан сўнг эса олти ой ичида кассация тарти гуманлараро иқтисодий суди оркали Жиззах вилоят суди (ин бўйича судлов ҳайъати)га орқали Жиззах вилоят суди (ин шикоят (протест) бериши мумки

🔚 кундан эътиборан бир ой

Судья Ш.Қодиров